



張汝南先生詩集序

汝南先生余蓋先生之高弟

生先余而為藝文始以藝文者

顯於世乃搢黜於所遭而其位

則不甚顯吾黨之士不以先生

不甚顯而少後先生先生亦自

信其為先生也而眉睫所加亦未

嘗少後於吾黨之士余少時聞

先生文里英茂當在風簷時

諸生筆陳方酬而先生則抱



詩集序

研已玄於足赫闢守鑰之官烏
甚監出之吏解不淺其面者嘆
嗟此非余之所以先生乎先生其
禁苦者余聞先生所養甚具
其大者若平生自自古心慙性
初未嘗隨世以爲俯仰是以禮
者所在即賤如牛醫者子而文
不讀禮者所不在即貴如龍門
之士向上交不諂君子繇俯仰以
觀正大此又非余之所以先生乎

生者越先生自少好為唐人詩
余嘗得先生所為詩而讀之味
其音趣隨石規之於李杜要之
意興所至真無峭厲之聲

清苦寒儉之態即使李杜

後生登壇角藝者必遠遜古

為先生可道矣夫李杜之所以
成名于古者豈獨為其工比興
善解律而已哉之縱觀其所

為詩其忠貞慷慨之性不以流

謝惠難而者存亡之有氣
節為之木耳先生少有天下
之志據當國之所以證先生占
先生之所以自留者夫豈但博
一第受一命而已耶向乃一出而
少名軒輊即浩然拂衣洗面
投老丘壑嗚呼其美余嘗槩
觀先生平昔向道之性大抵懶
賦長門為通狗監而一掃清

高之氣儵然物來不帝以

吟之嘆穰玄而孤雲之巖玄
圍也而視塵宇絲、極世觸常
之一戰耳又安能怡然而与
借面監尉山子角一日之執哉
先生自童時即游戲筆硯

文而為詩要之皆一時襟抱
語誠不足盡先生之大也稍
叩其慷慨諸不見論即如山
房水榭之曲可以掃泉石之
翔之雲中傑也此可以後

干城之氣是故風雅之士一歌
而魏野招雲再歌而羽超赫馬
處不涉若而出不蹈悔操是以
往能不畏英雄之節槩而於
宇宙之紀綱哉君子誦是

詩也究斯志也風流文雅若
先生者可謂古之高士非耶
余謂即李杜氣節當不出
此

萬曆己卯春二月上浣之吉

賜進士出身中憲大夫奉

勅提督山西學校按察司副
使郡人春臺蔡國熙序

魯郡朱頤培書

雜興二十首

辭君欲萬里，忼慨申別詞。出門心茫然，四顧何所之。
薄言事西征，襟期凜在茲。北交幽并士，南驅河洛兒。
荷戈汧渭陽，遂向洮河涯。丈夫立天地，所患功不奇。
生不縛名王，死即當何為。

秦山一何迢，隴水去如浩。言念遠征人，憂心怒如擣。
憶昔與君期，百年永為好。今夕謝中閨，西出甘涼道。
君歸當何時，君行善自保。願此微賤軀，化作長途草。

詩集卷之一

一

脉脉馬頭青，共入天山老。

仲連不帝秦，田橫肯降漢。偉哉千古風，令人起遐讚。
黃金笑若遺，白璧詎輕翫。云何世道衰，高士風聲散。
朝去平原門，暮入春申館。翻手見雨雲，當席起崖岸。
觸蠻僅區區，吾誠奚所嘆。

我愛謝安石，風流萬古聞。東山一揮手，坐使銷秦軍。
至今淮河水，猶照東山雲。時豈無深源，蒼生望何殷。
北伐杳無功，書空徒自勤。丈夫貴實用，虛名何足云。
巢由遜箕穎，夷齊餓首陽。所事非不高，萬古欽其芳。
人生立天地，姓名何必揚。許世自有真，無乃貴和光。

混迹牛馬中豈問行與藏大塊勞我形彼此俱亡羊
釋茲牲不鑿但令來者傷

秣馬戀舊主栖烏懷故枝物性各有然千載今一特
烈哉延陵子高誼動襟期一劍挂丘陵千古長相思
胡彼張與陳盟言凜在茲朝披桑下肝暮磔泚上屍
握手成搏刃古道何逶迤所以管鮑交自古稱瑰琦
富貴與貧賤交如陌上塵隨風各有附盜論故與新
屠狗朝列署秦越乃朱陳京洛暮張羅金石委荆榛
宿鳥去枯樹深淵縱長鱗士非青雲器白眼徒見嗔
弘景逸縵鞞龐公畢嫁姻高吟絕八荒千古稱其貧

詩集卷三

二

我本木石姿習與鹿豕馴庶能希末光諒哉率吾真
孤介世所嫌私心豈不悔流滯本天真吾亦豈能背
涇渭不同源艾蘭豈同佩貪泉飲吳絜跖犬見堯吠
物理固其常千載今如對我思古哲人仲尼豈儔輩
尚有東家猜徒增人所慨勉旃及前修無為塵世廢
少年縱遐覽平揖千古人夔龍儼軒昂蕭曹豈比倫
一吹滿天地四海皆陽春所期亮不諧飄然訪遺民
凜凜啟伯夷硜硜鄭子真顧盼絕穹蒼孤心狹世塵
豈如婣婀葦甘心委荆榛

日翳頤當復月虧仍見盈咫尺萬里遙千鈞一毫輕

還負高才一言翻見傾李勣竟何事乃爾稱長城
爍金與銷骨自古稱未平丈夫奮遐志即死寧改行
朝讀黃石書暮事泗亭長一槌博浪中四顧無霄壤
褫秦扼腕間興漢在指掌功成事已休拂衣氣何慷
醞烹有餘悲抗顏信孤往黃鶴凌蒼旻弋人亦何想
白雲莽欲起滄江日夜流天地已沉淪日月空悠悠
漢皇念故交蒲輪載羊裘一朝見天子客星動九州
掩袂竟長奔散髮江水頭至今嚴陵瀨萬古欽清修
哀哉塵世人馳逐將焉休

齊臣死二桃燕將死一矢胡為輕所生秋毫乃如此

詩長卷之二

三

丈夫中有存所貴在知耻忼慨激衷腸誰能獨愛死
凜哉水霜心千秋稱壯士囂囂塵世人瞻視豈不羨
一旦歷險艱奉頭窳荆杞所以李少卿至今薄青史
市朝稱大隱不在山水間曼倩彼何人胡為開此閑
伯夷餓首陽千古高莫攀范睢叩秦壁馮驩入齊關
低眉向時人寧不皆厚顏昂昂庸世夫所貴濟時艱
有懷苟不售寧自甘愚頑

志士隱抱關哲人甘委吏所事非不高俯仰本無地
丈夫逢不時竟與蓬蒿棄明堂捐鉅材琮璜遺美器

物理固有然人生亦何異

秦皇狹四海氣槩橫九州卜世輕萬年仍為海外流
海水浩無際扶桑不可舟仰眺金銀光雲霞莽四流
安期杳難即飄飄竟莫酬至今海邊石慘慘空含愁
元亮不曉事束帶懶謁人悻悻解組歸坐守青山貧
藜藿且不克况有綺羅賓長安七貴豪峩峩垂大紳
一筵傾四海寸晷羅百珍唯諾一不佳片言有鬼神
赫奕振時流踈遠皆近親爾何獨自晦其此鷗鷺身
季鷹愛尊鱸仲蔚耽蓬蒿千古兩高士負氣亦何豪
鐘鼎但草莽雲霄一鴻毛俯仰無天地何言馬寶曹
丈夫不下人豈必皆崇高

詩集卷之二

四

漢文高世主洞鑒亦何精絳灌皆鬼戕賈生獨見輕
少年誠未檢新疏良可矜坐使奔長沙前席虛負名
時清道乃詘志士空嗷嚶

轅門高照天金印大如斗日開賞士筵殺牛數醢酒
倉卒一笳鳴向人但束手選將不選才世道亦何有
所以漢將軍巍然稱細柳

門有車馬客行

朱輪競芳草白馬照金堤劍拂花煙落衣沾苑露垂
捲簾珠的皪揮塵錦歲蕤紫陌飛芝盖青樓掣酒旗
徵歌燕趙邠選妓楚湘湄夜過揚雄里談經白首疑

揚鞭西向洛寧與故人期

長門怨

鶯聲初破曉獨坐欲銷魂昔貯黃金屋今為碧草門
殘香追妾妬積靄見君恩早索臨卽賦殷勤表負暄

結客少年場行

朝會平原俠暮結五陵豪駿馬馳芳陌秋風試寶刀
探丸山岳動擊筑水雲高笑殺三閭客生平獨賦騷

游俠篇

寶劍蒼龍血神駒渥水精山河傾意氣談笑寢戈兵
不受千金賞惟留萬古名邯鄲排難去還擬下聊城

詩集卷之一

五

長安少年行

長安美少年走馬灞橋邊楚珥衝煙冷吳鉤帶雪妍
青樓看醉影芳草試歸鞭手指金張第花開泣杜鵑
邯鄲才人嫁為廝養卒婦

落葉辭高柯悲鳥憐故枝人生有乖絕不如羅與絲
後宮三千人芳顏稱莫比一旦生雌黃棄如道旁李
妾心堅若金君心淡若水咫尺望叢臺徘徊欲萬里

邯鄲郭公辭

舞罷平城日何勞嘆郭公衣冠皆粉黛樓閣已虛空
芳草憐齊瑟宮花泣趙風不須談後主感慨古今同

陌上桑

種桑城東隅柔桑一何紛有容白如玉搖鞭翠似雲
絲桐聊寫怨淒楚不堪聞持此長歌意殷勤謝使君

出塞曲

曉發臯蘭道黃河水已結西風吹鐵衣十指凍欲裂
策馬入天山單于正嗚咽百死犯前鋒寧能畏剽賊
生來受國恩死當為讐雪男兒耻喪逃已與妻孥別

入塞曲

朝入龍荒道暮抵平城下桑乾水不流寒冰滯旋馬
鬼火望中青四顧但荒野刁斗入夜馳何由問田舍

詩集卷之一

六

軍中有苦樂樂者終然寡君門遠如天欲言淚盈把

從軍行

少小從征戰元戎馬伏波羽書飛五道鐵騎擁三河
攘袂爭竒捷馱鞍奏凱歌寶刀仍畫地何處得功多

洛陽道

白面誰家子飄颻過洛陽聞鷄終日醉走馬萬人忙
金谷流鶯老銅駝落葉黃少年仍有氣不信賈生狂

紫騮馬

大宛龍是種萬里信霜蹄嘶盡青山老行邊白日低
椎心吞塞北猛氣壯關西夜出祁連道沙場去不迷

獨不見

秋院流黃葉殘蛩四壁聲龍荒鬼火黯鴈塞野煙平
去國三千里從征十萬兵年年獨不見腸斷洛陽城

妾薄命

妾少顏如花十五入君家堂上拜姑嫜羅袖生紅霞
妾頭今已白君恩日已絕妾豈薄朱顏皓質有圓缺
不怨君絕恩但怨妾命屯年年芳草綠空自掩長門

悼泯民

丈夫不得志動有天地愁無力吹陽春宇宙皆嬉遊
一夫苟失所吾已負愆尤况復滿溝壑其責奚以酬
既無鄭俠繪豈有長孺白骨吹黃沙積屍高彼丘
嗟哉願治民胡為罹此憂誰能寫茲狀一為達宸旒

贈羅君

長安古帝都山河百二圖佳氣何葱鬱鍾此英俊夫
振纓挽長帶馳轂凌芳途曉披秦關月暮抵趙王區
夙夜恪所將馬政日與敷衛文秉塞洲仲尼司牧芻
聖賢古有作君豈非若徒明明有褒章覽之真不迂
願無負前修努力青雲衢

所思

藤依嘉樹香着生芳路長飄蓬各有歸人生豈可量

經年不相見動如參與商我有金石心爾負冰檠腸
當面有乖絕不如居異鄉

懷山人郭綱郭紀

君釀山中酒我賦山中詩美人舞羅袖長歌白苧詞
攬轡下青雲駿馬嬌如吹歲月忽若流君已白鬚眉
何時更尊酒慰我長相思

龍興寺

翠壁宛如戟中有百泉鳴蒼翠嫋飛若孤寺何崢嶸
有僧俱古拙驅牛山下耕我有草茅居石路嚴相迎
梵宇青摩天雲霧輕且盈懸榻北斗間坐與高天傾
舉手星可摘寧無狹世情

詩集卷之一

八

竹林寺

紫峰信岩崑下瞰竹林居隨山勢轉直上凌紫虛
玄崖流晚翠隱隱侵僧廬一僧坐月戶昂然讀古書
半天響鐘磬清音下廣除形神忽若忘惠遠今何如

佛光寺

山勢如雲捲中有鳴泉飛青天落樵徑碧漲侵漁磯
山僧不見人頗怪儒者衣花臺高誦偈鷗渚深忘機
幽曠欣我懷相看坐落暉何時了行役共採青山薇

龜臺寺

遠岫匝迴陌一峰何蜿蜒隱隱昂若龜直吞山下泉
石背起孤寺枯松孃荒煙靄靄洞中雲迢迢溪上田
蒼苔引細路亂石暝斜川門外塔如峰僧老不計年
但指青山笑黃花香欲然

禪房寺

寒林鬱山氣晴溪抱寺流石影碧參差鳥聲亂啁啾
幽芳晚相媚老藤香暗浮長嘯寄孤蹤夙懷今始酬
壁詠上吾衣淒然生我愁古人屐安在獨有詩草留

聖井寺

山下黃蒿滿山前白鹿遊中有古剎寺一井泉四流
田夫歲禱旱原隰忻有秋蒼龍半夜來煙昏巨樹愁
一僧獨當戶看經意不休

龍池

斗崖陰霧生白晝昏如夕水深百靈藏溶溶匯千尺
東有挂虹林西有藏煙石蒼龍夜不歸雲卧山花碧
我欲攀龍飛池上每獨適不見龍飛蹤但見虎行跡

鼇窩

長澗百尺水倒奔巉壑流中有白石砦嶙峋宛若丘
有鼇曾此居樵牧不敢遊一怒與龍鬪雲慘蒼木愁
龍去鼇已死抵今知幾秋澗水寄餘怒奔號長不休

陰我興亡懷兩腋風颼颼

登紫山塔

嵒峩千丈山雙塔突如戟挽帶攀石梯騰忽煙霧赫
俯眺東海流蒼浮蜃氣射太行眇崔嵬一覽亂蒼碧
拔劍倚長空揚眉星可摘美人牽我衣猛虎下巉石
白雲一何迢奮我萬里翻

舊尹向望山自金陵北上歸贈此四首

十月凜寒颼郵人戒霜程茲夕遣我辰張燈滿山楹
驚歛寶車臨令我歡且驚繁星麗空天下觸趙王城
萋草憐故人矧余將予情把火照顏色暫爾猶平生

詩集卷之一

十

再拜慘無言但視冠上纓芳塵不可揮烈哉憂世盟
黎明謁所祠祠前菊滿枝冉冉棠陰暉光競陸離
窮簷識故吏展拜何淒其杖屨填門巷各申去後思
一申慘莫禁再申雙淚垂臺臺歌廉今明明借冠詞
漢治日以邈重睹今在茲循良古有傳徵君誰與馳
暮陟趙王臺臺高風轉惡古木何蕭蕭危簷鬧山雀
華燭亂芳筵炯炯照杯酌丈夫志四方所悲在落魄
君負青雲姿方寸刺葵藿把劍氣何昂浮名笑李郭
行矣莫踟躕時方重鎖鑰登役承明廬紆我經緯略
古道何逶迤長亭沒荒草把袂未終言登車亦何早

車在邗鄆城南向金陵道金陵古帝都六朝競詞藻
往跡難具陳頽風容可掃洋洋先聖謨努力追羲昊
丈夫豈怨離所期在未老吾衰不夢周茲言良足討

黃梁夢

太素杳無形萬象歸元始八洞豈寓言三山著玄旨
冥哉神仙術造化協樞軌蟬蛻輕如絲龍虎伏若豕
蓬萊開寶籙崑崙採芳芷胡以塵世緣亦足寄引指
呂翁露英標盧生研妙理伊余年少時十洲在延竢
引頸談王喬游心慕蕭史秋風動遐思懷翁重倚徙
白髮今滿顛黃金未鑄甌醜茲蒲柳姿生長邗鄆裏
盧生同里閭夢寐馳窓几翁獨何所之乃不良遣止
鶴馭空飄颻鳳笙胡迤邐千載祗湏臾六合總瞬視
何當慰殷勤寒爐炊再起翼我升洞天乾坤並曆紀
四海永無波為世錫洪祉山河億萬年啣私報

天子

送郭明府之東阿

都門邁佳麗文裾振芳筵沓沓流星騎揚揚白玉鞭
緬懷疇昔好意氣何軒然趙纓悅靈曜吳鈞憐秋煙
高宴湛華尊為我一披宣歲序歛若流相期良未捐
眷子美妙姿矯矯思無前東山有窮夫流者日以連

送我康濟猷敷彼生理緣長途浩無礙萬里一飛騫
送郝君之臨洮

夙駕東海陌晚渡胸河陽沃野散芳郁美哉田與桑
歷歷伯氏邑宛宛勾漏鄉秀靈洽屢違芬敷鬱相望
秋風穆陵道匹馬嘶枯楊君心澹無欲懷人夙所良
安能逐逸景與我日相將

送張君之汶上

少年輕四海顧盼何清揚結駟凌芳陌我馬競翱翔
劍氣凜寒曜筆花吐芬香秋風滯搏翻歲流顛已蒼
相見各披素壯圖寧自忘齊東君所司我昔經茲方
赤子饑如噎分猷未獲良行行慎莫疑紆我素所將

詩集卷之一

十二

出鴈門關時值虜退二首

朝出鴈門關暮陟桑乾道黃雲莽欲流積屍委青草
關吏向余言君來亦何早虜騎雖長奔胡氛尚穹昊
余聞關吏言倉皇慘不悅丈夫非無志所悲在鴛劣
憶昔少年時請纓氣何烈百蹇制頽齡萬事總歸拙
忍看蘇武旌空問張儀舌驅車亦何為千里讐未雪
沙飛白日昏城煙黯欲起我心殊愴惻况復恐妻子
妻子禁無言愀愀顏欲死飄忽北來騎昂藏氣生紫
雪滿殪狸刀霜懸射鵰矢去者何匆皇來者復迤邐

咫尺雲中城望之如千里哀哉杜甫生北征良若此
今古哲人憂吾寧憚芳軌

秋思二首時寓雲中

蒼靄薄秋戶鄰鷄澹以淒游人生遠心所思誰與携
攬衣步山郭四望交如迷萬里空懸臆百年猶轉睇
言念同心人潸然朱淚垂不知梧落夜有夢來關西
關西有黃雲遠入天山暮胡笳起四吹鐵衣秋滿路
我非請纓人栖此亦何故詩書癖已深白首尚茲誤
世緣謬不諳即徃乖良遇越鳥不北翔異馬豈南顧
人生各有適矢言諧所慕嗟彼陌上人綺紈略玄素

登五峰樓覽華山

一劍驅樓飛俠客矜遙臨晴嵐射虛牖芳靄積危岑
群峰逶迤見歷覽互高深翠壁宛相待瑤華端可尋
躡梯舞羅袖挹酒開雄襟神與山飛揚山靈窈層陰
獨抱無前意欲寫鈞天琴丈夫縱遐征窮躋世所欽
持此片時興已慰千古心安能久延佇日夜開長吟

過關山

策馬隴山道隴水深且長林煙黯白晝若牙怒以張
谷口巧相闢下有龍兜藏樵聲隱欲流幽禽時自翔
馬行日已夕毒霧迴枯桑征夫空含愁回首悲故鄉

一望慘不極關河雲渺茫

歸田感興時隆慶辛未

塵鑣偶息役漸與農事親結社桑榆場漁樵俱比鄰
孀孀碧雲觴紛披藹如茵悅州委芳飈放舟凌巨津
眷言萬里客今為當面人把酒照霞裙語笑皆天真
情歡忍辭醉一卧高陽春

卜築水村四首

昔日山中叟今為河上公久諳麋鹿性乍與鷗鷺逢
垂楊青似蓋閑鶴老於翁冉冉草橋雲依依柳岸風
釣石淒薄霽游絲戀長空倦息平沙陰徘徊煙霧中
醉邀漁父言孤蓑雨濛濛

詩集卷之二

十四

習與幽人交瀕河屢展席鷄犬狎故人兒童善解奕
買酒邀月陪烹魚剪炙野夫詞禮粗唯諾重金石
歲事每相仍聊與計朝夕車馬何蕭條深居喜窮僻
逢人說向平壺壺盡丹赤

高誼在鄉人近頗諳其性談笑鄙公卿危言凜如競
桑榆不改心星霜可徵行余乃訝時流群居談孔孟
一躋顯榮階輒爾喪名姓回首顧若夫所養孰邪正
嗟哉可無懲念此益嚴敬

朝游白露汀暮宿蒼煙墅鷗鷺訊芳期蓴鱸散平楚

秋芬澹鬱紆野意曠延佇賓鴈度郊原候蟲積禾黍
花爛午搖砧霜清夜侵杵對月思長吟臨風欲遐舉
百年門外松而今高幾許

雜興三首

罷官居城市方寸澹如冰掩門辭故交抗榮寧避戮
門外長者車朝夕剩馳逐唱騶過通衢誰不凜芳郁
媿我今何為此心猶稿木乃復謝城市若為塵所瀆
室有秋蛩吟野有沙鳥宿耳目縱清玩聊以慰幽獨
少年見高客盛言眉目清開眉見古人宛爾皆平生
既長服官政澆恣生宦情達官駕高車但坐瞻視輕
俯看世上人不啻螻與蝼夫夫奮遐志寧知升斗榮
抗疏累求歸果哉何其硜漢陰古有作吾欲訪其行
桔槔雖云巧誰如抱甕拙海翁一忘機鷗鷺日相結
嗟哉塵世人動與清流軼談藝凌昔賢修名示高潔
爰究中所存荒涼與世絕出門抗高類入門問柔舌
聲名在鼎彝亦竟稱鴛劣勉旃及前修無為此輩悅

張洺南詩集卷之二

七言古詩

邯鄲張成教大觀著

浩歌行二首

黃河一去無迴波秦陵漢寢空嗟哉丈夫生世貴得意何必七貴五侯相嘯囉請君且寧坐聽我發浩歌
我生兩眼大如日照見乾坤萬古多王謝樓臺皆幻境
金張粉黛真妖魔百年事眼前過有酒不醉將如何
黃金難買雙眉綠白玉誰迴兩鬢皤君莫愁下榻已無陳又莫愁識面已無李丈夫逢人一皺眉不如
早向山中死

詩集卷之二

八

男兒墮地生事分誰能萬里皆風雲所貴頭顱上與

青天逼眼睚不與凡夫群調笑衛霍真馬寶敵面唾

叱平原君彈鋏鼓瑟竟何事女能一為鷄狗交田文

君不見丈夫有生即有志所至脚跟常着地叔向不

肯見祁奚司馬如何干得意子虛之賦胡足誇忍借

他人通姓字我一思之髮欲指深源又為蒼生起書

空咄咄終柰何此生獨為虛名死嗟哉此生真草草

有名不如無名好鹿門之田仍可耕黃犢一聲門不

掃少年曾笑老白鬚我今白鬚不認老殘書幾葉為

山開剩飯一盆因鶴飽以此栖雲採藥且未遑又豈

暇攢眉縮頸紅塵道

行路難

君不見平原臺風雨蕭蕭生草萊又不見田文墓
牧墳邊伐枯樹人生得意年少時駿馬驕嘶金柳堤
慣買飛花吹面妾愛聽楊柳弄春詞豈知百歲一番
掌金谷荒涼草陸離草陸離花飄杳燕子不來鶯漸
少綠珠樓下已飛塵空使遊人怨芳沼

楊白花

楊白花今何處風吹直向長江去芳姿媚媚落誰家
日暮高臺舞飛絮安得吹來入舊宮飛花一樣舞春

詩集卷之二

二

風

公子行

長安三月百花開公子翩翩騎馬來紅綺三千招舞
袖黃金十萬起樓臺樓臺舞袖翠如雲弱管嬌絲處
處聞簾捲珊瑚清可掬籠開鸚鵡綠成群玉竿齊擎
桑落酒金猊暗吐麝蘭薰花飛一片銀燈燦鶴唱三
聲錦袂分歸來夜過王侯里手把瑤鞭罵許史笑誇
紫鷺去如吹醉卧青樓喚不起明日尋芳別有人可
憐鶯燕不留春羅衫好寄看花使典與青皇作繡

邯鄲宮人怨

女本叢臺舊苑女日坐窻紗守筐筥驕痴不解鸚鵡
言蓋澁那知鸞鳳侶生來但說秦羅敷當年嫁與中
郎去採桑不肯顧君王撫箏聊以明心緒妾年相將
二八餘天子親來賜詔書見說後庭少供奉中官催
勅上征車征車迢迢歷芳草十日已就長安道天子
親迎入建章黃金殿與青天掃三千粉黛碧珊瑚十
二金釵紅瑪瑙瑪瑙春生紫帳煙珊瑚秋滿綉羅天
婕妤受寵昭陽日飛燕承恩長信年長信昭陽兩相
見歲歲年年有恩眷妾兄親插侍中貂妾父帶刀履
上殿天時人事轉相催一旦宮車罷清安珍珠已不
賜長門翠羽何由復當面况值新皇即位特別選美
人充譏私先皇侍婢俱蒙遣妾在同行豈得辭歸來
里巷爭相訝不似當年粉面兒阿嬌身老何足惜可
惜此生誤宮掖不如早作商人婦免使相拋空白首

野田黃雀行

爾威不如鷹爾惡不如鷄栖遲田野中食飲自蹙跳
爾不栖上林枝爾不穿貴人屋彼雖有網羅奚能為
爾逐

胡無人行

北抵碣石長城餘萬里誰能掃橈槍歲不煩一矢

天子於四夷要在立綱紀李牧守鴈門充國度天水
士馬騰如雲芻糧積如峙雖不能盡令彼胡終無人
猶愈於昭君泣馬奔胡塵

白頭吟

昨日已附平原君今朝又復親田文世情交態那可
定翻覆之下生兩雲君不見文君已着當壚裙相如
心緒紛紛紜何況人心如人面百年誰保常殷勤

渭城少年行

渭水橋邊芳草生少年白馬飛紅纓昨日邀來五陵
客共坐橋頭聽曉鶯鶯聲啞啞花晶晶誰家美女彈
箏小解脫青袍換酒炊落花醉裏知多少

仙人篇

東海木公有報書西山金母意何如不知青鳥乘雲
輅仍遣蒼龍駕日車碧落相逢咫尺間紅塵已隔萬
重山蟠桃直弄扶桑影十二樓臺夜不關

長相思

明月隨君到隴頭還來深院上簾鉤總使見君如見
月也應窻冷不禁秋綺窻日日開明月夜夜來獨有
西征客年年不見回

杯酒新豐市看花渭水橋歌喉逢燕轉舞袖拂雲嬌
漫把青龍劍高簪白雪貂驂騶芳處歇鸚鵡醉中調
大笑雲卿頭似雪擔簦躡屨何時絕

漁父歌

門外揚花飛滿船香蘋兩岸晝生煙逢月醉抱雲眠
賣得金魚換酒錢

青樓曲

京洛樓臺十萬家金鈎遙控碧煙斜綠楊白馬誰家
子來姓橋頭看杏花

關山月

詩集卷之

五

關山秋月夜迢迢萬里遊人重寂寥鴻鴈搖搖孤影
斷驂騶慘慘一聲驕秦中思婦愁仍劇隴上征夫路
正遙所恨未酬歸未得姓名今已屬嫖姚

飲酒樂

生不顧功名如子房亦不願詞賦擬長揚但願家家
有酒炊滿床日日為我開紅妝劉伶杓李白觴一醉
之中萬事忘天破誰可補海枯誰可量我皆置之一
不問但開兩眼看青皇滄海若能化為酒何不為我
燒扶桑

大梁行

千里黃河幾戰爭南連荆楚北幽并秦人東下斬函
谷趙王之城先震驚信陵忼慨氣何英一朝笑解邯
鄲兵侯嬴捩腕晉鄙死俠氣今留萬古名我來吊古
梁王城信陵墳上荒草生為問夷門向何去牧子控
鞭不知處

田家行時村居值雨

風雨蕭蕭突煙起鷄聲半在白雲裏沽酒何曾入市
城滿壁人家酒亦羨自憐少小學清狂金門曾擬賦
長揚賈誼才高逢絳灌漢文明聖老馮唐仲蔚門前
多杞棘淵明山下有田桑田桑陰陰滿十里半是黃
梁半青泉納租肯付吏猷門終日籬邊飼犬豕但聞
長吏徇鄉村縮頸攢眉欲斷魂

擣衣曲

秋聲瑟瑟秋砧急牕下殘蛩草中泣卽今遠戍隴頭
雲七月涼風已吹入擣衣莫擣去年衣曾帶當年戰
血歸窻前早晚啼紅血血與衣痕雨不滅

楊柳辭

章臺雲雨見風神宛宛流鶯語太頻總有千條能送
客臺邊仍有未歸人

巫山高高於天十二峰頭空紫煙襄王一去不復返
神女茫茫白雲晚雲去雲來春復秋江水無情日夜
流行人腸斷三更月下啼猿聲乍歇

君子行

玉雖不忌點金雖不畏炊陳平生前恨焉援死後疑
君子有舉動胡可弗慎之君不見孟軻氏乳仲尼不
受臧倉毀不冒匡人欺又不見歸牛人還金士當年
一有不分明能保終身不喪已

燕歌行

塞北秋高煙草荒鴻鴈飛飛下夕陽沙磧愁雲捲地

詩集卷之二

七

黃野狐白晝號枯桑胡笳慘慘聲悲涼秋風南下窺
河梁良人征衣今短長蕭蕭天宇生微霜妾在深閨
守空房寒蛩啾啾依短床有淚漣如欲沾裳恨無兩
翼排雲翔爾何不思歸故鄉朝馳白草夕黃羊令我
一日千斷腸

湘江怨

江雲漠漠江水清江上高山空翠屏帝子魂來忽秋
雨萬竿竹筍青盈盈

趙瑟曲

邯鄲古調悠且長落花溶溶水茫茫天長地久發清

商發清商奏明主青鳥來彩鳳舞

採蓮曲二首

香風吹波暮煙碧湖上芙蓉秋半赤誰家粉黛輕如
擲輕如擲意轉微採蓮人何處歸

露滴殘荷蘸秋水一醉芙蓉喚不起湘雲楚雨亂汀
洲江煙寂寞藕花死採蓮莫採過時蓮怨綠愁紅人
不憐此中腸斷未可說歸取菱花當面前

烏桕曲

烏雲為髻月為璫露花為酒喚君嘗明星未落光如
曙肯放郎君江浦去

詩集卷之三

賈客樂

一日江頭十萬舟錦帆高揭泛中流珍珠剥盡大鮫
室珊瑚曳出古龍湫吳姬越女嬌如柳趙舞燕歌濃
似酒高樓已駕岳陽頭危檣又出蒼梧口執牙借箸
了無時陶朱計然亦何有坐中年小却稱翁掌上黃
金擬上公一聲叱咤百夫廢卜式豈是讀書功君不
見耕夫終歲無休息瓶中那有三朝食

長安道

桑落為酒杏為花當爐小女青雲壘公乍醉時騎白
馬手指樓臺說故家樓臺十二九衢中云是將軍衛

霍宮阿閣上模長信制迴廊暗與椒房通珠綴繡簾
雲縹緲香流寶帳月朦朧樓上何所有琥珀杯搖秋
露白杯中何所見妖姬醉舞越羅紅駝峰出釜燕脂
嫩海錯行盤玳瑁豐此時天子重邊功坐令此輩稱
英雄豈知長安一日生戎馬樓臺處處皆飄瓦衛霍
銷沈荒草間游人指點青山下

君馬黃

君馬黃我馬蒼君馬蹄噬我馬良我馬日行遠千里
逐電奔雷氣生紫生來毛骨自天奇渥水大宛奚足
茲今人買馬獨買名我馬雖奇世不驚嗟哉我馬已
如此不知君馬竟何以

飲馬長城窟

黃雲慘慘月如霜長城荒草生悲涼將軍飲馬長城
埜泉水半是征人血征人已死秦亦休咸陽蓬蒿今
滿丘君不見陳勝吳廣揭竿起盡為征人復讐死

邯鄲少年行

秋風夜過平原里錦席高張客如綺笑指關河氣欲
吞揜鞭北渡井陘水聞道并州久被圍直擣交河誓
同死平胡萬里北無人歸來未落馬蹄塵姓名又自
天邊下還遣提戈再救秦

母壽七旬宴客志喜時嘉靖癸丑

今年二月二十五青皇夜掃三花園方丈輕吹賜谷
風崑崙細放蟠挑兩高客崢嶸寶馬馳嬌絲錯落綵
衣舞綵衣寶馬相留連坐上俊猊漫吐煙稱觴不盡
高賓意謂我高堂壽且賢我一聞之喜欲顛舞袖不
覺高撒天呼兒好辦青精飯為我長歌眉壽篇歌罷
高賓醉欲起兒婦春容薦枕獲一拜高堂誦關雎再
拜高堂誦麟趾家無老稚俱歡喜

劍池行世傳樂毅居趙時磨劍於此

池上秋風怒欲烈池邊秋草欲飛雪七十餘城一劍
收石間隱隱齊入血齊已滅燕亦亡趙家墳墓何凄
涼獨餘此石寄荒草草上餘腥血堪掃日暮牛羊池
上歸壯士不還吾亦老

古劍行

張生好古何太癖日坐空山守閔寂山人把劍來相
示上有秋風生淅瀝云是此山耕地夫捨而得之在
沙礫我生不愛千黃金買而挂之青山壁山鬼魂銷
不敢啼壁上陰陰起霹靂細看此物何太奇鋒鏃凜
凜昆吾姿凡鐵而今售高價神物非常豈易知嗟哉
番煥不作張華死青龍好去藏秋水

趙客行

君王朝賜劍暮著紫雲袍
驛驢夜過平原豪
豪門有客集如霰
白璧黃金薦高宴
扼腕獨許西向秦
眼如暗星鞭掣電
秦人之勢猛於虎
澠池有瑟令王鼓
鼓罷秦人氣益雄
揚眉一笑無山東
客也怒髮衝冠起
手提一缶誓同死
歸來長揖不言功
引車仍避邯鄲市

中山狼

中山狼爾何不如陸機犬
左慈羊有恩可報功可償
嗟爾一獸何足齒
世有丈夫亦如此
朝出平原門暮許春申死
翻雲覆雨全不耻
君不見李斯空讀荀卿書
一相功成血滿裾
又不見蘇秦虛傳鬼谷學
六國車還脛當斲
古來負恩天有誅
請君莫效狼之愚

今昔行

少年走馬長安道
馬蹄蹀躞凌芳草
萬里風雲咫尺看
百丈龍蛇一筆掃
青樓秋吹碧琅玕
翠袖春生紅瑪瑙
劍鳥逢人處處誇
搖鞭肯向五侯家
林宗巾折爭回首
潘岳車來滿載花
抵今落落何為者
千里風塵仍足馬
賈誼空嗟非少年
仲舒豈復稱儒雅
寄語山人向子平
青山早與定詩盟
季鷹不是風塵客
江

上尊鱸月正明飄裾便逐秋風去與爾共尋投轄處
陵臺行二首

趙王之陵秋草黃淒風淡日生微涼我來酌酒陵臺
上下有煙霧何蒼茫煙霧冥冥滿陰谷彌鬼啼猿聲
柱石頽垣敗礎積如丘千百年來曾此羣屋高十丈
廣十里中有叅稷薦明祀陵前華表白鶴飛陵上喬
松丹鳳起舞拜趨蹌畫旻流自許萬年長如此豈知
一旦禍秦人趙王見虜趙宮塵瑤階寶砌俱苔蘚碧
盪朱甍盡莽榛我欲逢人問所因人言今已二千春
秦人有劍能亡趙漢亦有劍能亡秦秦耶趙耶誰是
非趙尚荒淫秦尚威興亡之故昭如鑑我一聞之雙
淚揮請君東看叢臺草西看驪山墓感懷何必雍門
周千載興亡眼前路

三月山中桃李開走馬直上三陵臺陵臺突兀白雲
起臺端十畝平如砥父老云是趙王陵所據不知緣
何史斷碑殘碣今總無但有荆榛走兔狐遊人不記
興亡事為問臺邊耕地夫耕夫手牽黃牛犢欲向游
人放大哭此地不知古何地但經雨後多遺鏃疑是
當年一戰場萋萋青草生白骨臺邊又有前朝瓦風
雨蕭蕭亂蒼苔不知何代主人家而今又入荒山野

我聞不覺淚沾衣趙王之臺今是非王侯一去杳如
此何況遊人知者稀勸君且盡杯中酒世緣更莫分
好醜榮枯只在咫尺間君何不看陵上柳

輿邑侯向望山登紫山

太行西去何崔嵬紫山之氣青纍纍趙家形勝惟如
此能不令我心神開心神欲開眼界豁揚眉一笑青
天闊丈夫有志經四方一劍還能走天末君不見紫
山之下馬服君空蒿尚掩千年墳何況我輩獨領山
川秀顧盼可無生風雲丈夫死不垂竹帛笑殺平石
門下客

病起與王紹宗西園賞芍藥

四月文園一病身不到花亭今幾旬王君詩膽大如
斗約我同訪西園春西園門外綠楊飛上有黃鶯帶
恁歸綠楊影裏開芳徑花引鶯聲吟不定亂紅燦爛
觸荷衣餘香縹緲侵瑤磴偶開病眼見嬌花平地分
明簇彩霞霞光閃爍流當面倏忽又掣雲中電我心
如在惶惑間大者笑人小者鬧歲華各自騁逸態嚴
如為我開心顏席地縱看看不足又起凭闌嗅芳郁
凭闌對之復乍喜豈是太真浴初起恍忽又似漢明
妃馬上秋風淚如水轉思此地或金谷綠珠半醉笑

相逐不然又是揚素宅紅拂妖嬈媚佳客花神嗟爾
真何意使我視之驚魂魄平生剩有惜花心不如此
花惜更深安得手挽青皇升我坐春風不許迴嬌林
直與蟠桃同歲月為我日日開長吟

夢

暮雲繚繞長安路寒窸寂寘金門賦入山獨背向平
新談經誰解楊雉誤三十年來白髮新秋風不厭子
陵貧寶劍即今已塵土卽當豈復干時人頃來靜掩
栖霞洞夜深偶作秋山夢夢見雙親把我衣一言未
開已千痛痛我蓬蒿已半生何時白馬飛紅纓我聞

詩集卷之一

古

親言長跪云男子當為天下聞兒今菽麥已不分敢
擬騏驥超凡群親聞我言呼我起欲起未起涕如水
簷角鷄聲乍攪人乃別吾親一夢裏一夢初驚了不
眠此生有恨深黃泉黃泉容有可窮時不如此恨無
盡期

西園賞牡丹

盈盈班婕妤好嬈趙飛燕微笑競芳姿緩步漢宮殿
風流寂寞千餘年昭陽彷彿猶當面我醉顛狂欲挽
衣乃是花神生幻變花神曾降洛陽都此日飄飄欲
見吾金谷群芳已銷歇習池勝槩今有無我有荒圃

佳一區瑞霽祥煙氣鬱紆蔣詡風流原不偶陶潛標
格本來殊自有此花入吾圃百卉含芳愁欲吐梨花
漫道白如雲杏蓋何言紅似雨牡丹牡丹生最奇名
是花王誰不知如何不及珊瑚樹王愷亭前闢一枝
主人貴不及王愷肺腑陽春閣似海吹噓不借大王
風管許名園擅芳采

叢臺書院示諸子

臺故趙武靈王宮中故蹟嘉靖庚申秋九月有
司者即臺構院選余兒一舉輩三十人從余講
學於此日或倚臺四顧興至勃然因書以示諸

子

詩集卷之二

十五

昔日趙王登此臺綺羅照日開金杯今日我來陳禮
樂春風滿地生青苔不重琴書重歌舞為問趙王何
愚哉趙王臺下今不起千古風流竟何以誰將明月
上荆榛我把春風徧桃李山河倒挂窓牖間洙泗鳧
峰抱闕里我與諸生映日看隱隱宮墻坐夫子由也
依稀弄朱絃點弓彷彿浴沂水人言聖賢非性生展
哉只在吾心裏莫被紛華誤此心莫將口耳小吾襟
涵養愁君苦未深綠袍白馬在而今我不羨君乘白
馬但羨勲名徧朝野阜財解慍足調和早與明時振

風雅

叢臺行

臺上蒼苔繡古雲，臺邊黃鳥不堪聞。孟姚一去何時返，武靈空有沙丘墳。人生百歲一席土，千丈樓臺何足云。君不見漳水橋邊兩株柳，黃昏葉落平沙口。世上榮枯會有時，古來萬事一翻手。我欲長歌招武靈，酒酣四顧煙冥冥。凭闌不見人歌舞，惟有西山一帶青。

悼饑歲

往歲庚申春予飲叢臺臺下柳花如雪飛遠臺

詩集卷之二

六

上今不然者饑人採之耳感事愴心率爾賦此

去年臺上柳花飛，今年臺上花何稀。云是去年採桑婦，今年採柳欲充饑。一枝柳絮未盈把，兩行朱淚已如洒。自言夫婿走河南，却拋兒女在牕下。牕下連朝無一煙，兒女啼號聲徹天。總使楊花不可食，朝夕尚可謀生全。我一登臺聞所云，此心似割仍似焚。籲天頓地總無術，濁氣化作青天雲。曾記正德生我時，雖有干戈無亂離。頃來嘉靖稱無事，饑荒往往多流移。俛想當年富刺史，青州救荒誠何以。今者豈無良法

存忍使群生一日死

照眉池行

昔日趙王臺上人粧束如花欲妬春青銅已照青鸞
影猶恐君王翻見真臺下又開池一面青似流雲白
似練窈窕三千迤邐來翠殼紅綃雙玉釧欲照未照
復整衣十二金釵嬌且顫淡如秋水蘸芙蓉濃如洞
口吹堯片照罷雙鬟各自矜欲向君王展柔倩君王
臺上捲珠簾嫋嫋登臺捧高宴歡娛寂寞兩相催市
朝忽與乾坤變抵今池已二千年美人何去月娟娟
秋風半夜泣孤兔薜蘿兩岸生荒煙我欲臨池問所
因美人已為池上塵風吹柳陌燕脂氣空遣游人怨

白蘋

隕星石

此石何石光欲然上與北斗相流連人言此石非地
產半夜飛來元自天在天為星在地石此意無人知
可惜我一見之心獨憐欲上青天苦無鳥他年如有
補天手引而挂之南天口

中秋

去年中秋客滿室秋雲黯淡月不出今年中秋月滿
天空中無客人孤眠舞衣歌扇俱蕭瑟蒼蒼徑何
處然我有所思在天涯捲簾亦見秋月垂昔年見月

西園裏今年見月知誰家兩地見月不見人一聲鴻
斷一傷神欲把閑情寄彩筆四壁秋蟲語歌唧

憶舊

昔年憶爾西山中桃花低插一枝紅嬌姿春起絕無
力歌臺巧避吹花風數年我不歸山裏爾亦辭山就
渚水渚水橋邊柳更多黃鶯日日放青歌喚起芳心
睡不得恨無兩腋生雙翼

絕纓行

燭不來君不起纓不絕臣必死君王愛臣如愛妃肯
隨美人浪悲喜嗟此風近何有朝築壇暮烹狗君恩
何必萬鍾多不問一纓已為厚

詩集卷之二

六八

山君秋雨

白茅屋黃土牆大雨如注傾我梁浪波傾我必死死
裏得生悲且喜高堂廣廈彼何人騎馬出城看山水
築橋行

六月山雲黑千里大雨瀾漫突如矢銀河萬頃倒山
流一望蒼茫蒲天水水勢滔天真可愁誰能駕屋青
山頭驚波已歇忽復漲篙師束手空啁啾此時官長
亦病涉乃築長橋代舟楫虹飛龍偃氣何驕北連月
砦南雲堞家征田車戶征犢西山有石東有木一鍾

有朝費百金誰惜民膏與民肉橋成未必怨官長昔
何濡滯今來往但恐年年水又高坐使橋成復草莽
送王汝弼之魚臺

送君行勸君酒長亭曉日千章柳君是叢臺舊苑家
彈琴舞劍年來久此時走馬上魚臺揚鞭古道流雲
開聞說兒童騎竹馬迎君西出魚臺下古稱良吏不
深文知君豪宕更儒雅瘡痍何處能必無人有征徭
地有租東山日日窮夫哭晝不衣綿夜不屋君今往
矣為民牧百里疲瘡總一掬莫遣流移委溝瀆

再政

詩集卷之二

七

十九

鼓刀屠居軹里千金不受酬仲子一朝仗劍走韓原
韓相捐生爾亦死死可惜志堪推我一談之淚一洒
出門望見長途人紫綬黃金乘白馬國有大讐總不
知回視鼓刀屠爾是何為者

題旌節卷贈武安王紫野之母石氏

君不見見黃河之水天上來一噴崑崙勢不迴又不見
中流砥柱地之軸能障狂瀾如一掬天生神物迥非
常性靈豈抵凡花木何況人為萬物靈上稟天之精
下承地之毓參天兩地惟一身百行五常宜三復何
乃頭觸天足履地藐焉曾無男子志朝方執戟為廷

臣暮即投戈拍胡騎朱顏翻令走黃沙青草至今滴
紅淚嗟哉男子且如斯何況區區婦女類乃有下堂
背前盟去惟結新筓遂令剔目斷臂之流磊磊孤標
在牒誌我思顏風何日扶流波漸遠成江湖世上美
人豈終無美人兮何處有太行之東滄海西氣貫南
天映北斗大家漫自誇史才道韞何由弄詩口神比
冰霜清心同鐵石久三歲孤兒抱益堅九泉夫子名
難朽蹉跎七十有餘春夫有餘榮子有親回視李陵
之輩朝紫衣暮黃塵斷魂寒膽伏荆榛豈非亘天地
耀古今巍巍表表一完人我欲題詩眉轉顰辟之寫
像難為真幸有
宸章昭如日泚泚洒洒流芬苾青編當有史臣題應
與拍舟同一帙

村居

東野木綿花正開西野積穀高於臺紅棗青瓜摘滿
地牛羊落日下山來一隻山鷄酒方熟黃米炊糕大
如斛醉學兒童作牧歌醒坐藤蘿笑山谷谷口當年
鄭子真生來獨與草茅親愁開兩眼見天地車馬樓
臺稱得意

